



REPUBLIKA E SHQIPËRISË  
KËSHILLI I EMËRIMEVE NË DREJTËSI

VENDIM

Nr. 39, datë 23.11.2020

**PËR LEJIMIN E KANDIDIMIT TË ZOTIT ALTIN BINAJ NË VENDIN VAKANT PËR GJYQATAR NË GJYKATËN KUSHTETUESE, SHPALLUR NGA PRESIDENTI I REPUBLIKËS NË DATËN 07.02.2018, RISHPALLUR NË DATËN 27.09.2019 DHE RISHPALLUR NË DATËN 24.09.2020**

Këshilli i Emërimeve në Drejtësi, i përbërë nga :

<b>Vitore Tusha</b>	- Zëvendëskryetare/Relatore
<b>Fiona Papajorgji</b>	- Anëtare
<b>Arta Marku</b>	- Anëtare
<b>Miranda Andoni</b>	- Anëtare
<b>Saida Dollani</b>	- Anëtare
<b>Ludovik Dodaj</b>	- Anëtar

Asistuar nga sekretare **Ermelinda Kadiu**,

Me praninë e Avokates së Popullit, **zonjës Erinda Ballanca**, në cilësinë vëzhguesit të përhershëm të mbledhjeve dhe veprimtarisë së Këshillit të Emërimeve në Drejtësi,

Me praninë e përfaqësuesve të autorizuar të subjekteve të ftuara sipas ligjit për pjesëmarrje, në cilësinë e vëzhguesve, në mbledhjen e Këshillit:

- **zotit Bledar Dervishaj**, përfaqësues i autorizuar i Presidentit të Republikës,

- **zonjës Mimoza Arbi**, përfaqësuese e autorizuar e Kryetarit të Kuvendit,

në mbledhjen e datës 23.11.2020, mori në shqyrtim çështjen që i përket:

**KANDIDATI PËR GJYQATAR**

**NË GJYKATËN KUSHTETUESE:      Zoti Altin Binaj**

**OBJEKTI:**

Urdhërimi i lejjimit të kandidimit të zotit Altin Binaj në vendin vakant për gjyqtar në gjykatën kushtetuese, shpallur nga Presidenti i Republikës në datën 07.02.2018, rishpallur në datën 27.09.2019 dhe rishpallur në datën 24.09.2020.

## KËSHILLI I EMËRIMEVE NË DREJTËSI

Pasi dëgjoi relatimin e anëtares së Këshillit, zonjës Vitore Tusha, mendimin e paraqitur nga Avokati i Popullit, zonja Erinda Ballanca, në cilësinë e vëzhgueses së përhershme në mbledhjen dhe veprimtarinë e Këshillit të Emërimeve në Drejtësi, lidhur me mënyrën e procedimit të ndjekur për verifikimin e kandidatit, dhe si bisedoi çështjen në tërësi,

### VËREN:

#### I. Rrethanat e çështjes

1. Në zbatim të nenit 125 të Kushtetutës dhe të pikës 1 të nenit 7/b të ligjit nr. 8577, datë 10.02.2000 “Për organizimin dhe funksionimin e Gjykatës Kushtetuese në Republikën e Shqipërisë”, i ndryshuar (*në vijim ligji nr. 8577/2000*) Presidenti i Republikës, në datën 07.02.2018, ka shpallur hapjen e procedurës së aplikimeve për plotësimin e vendit vakant, vakancë e parakohshme, të krijuar në Gjykatën Kushtetuese pas mbarimit të mandatit të gjyqtarit Besnik Imeraj.

2. Këshilli i Emërimeve në Drejtësi, në përfundim të procedurës së verifikimit dhe të vlerësimit, për vakancën e shpallur nga Presidenti i Republikës, në datën 07.02.2018, me vendimin nr. 137, datë 21.09.2019, ka vendosur:

- Pezullimin e procedurës së verifikimit të kandidaturave dhe njoftimin e subjektit që e ka vënë në lëvizje, Presidentin e Republikës për të vlerësuar rishpalljen e thirrjes për paraqitjen e kandidaturave për plotësimin e vendit vakant në Gjykatën Kushtetuese, vakancë e parakohshme, të shpallur me Dekretin nr. 10723, datë 07.02.2018 nga Presidenti i Republikës.

3. Në zbatim të vendimit nr. 137, datë 21.09.2019 të Këshillit të Emërimeve në Drejtësi dhe të nenit 125 të Kushtetutës dhe të pikës 1 të nenit 7/b të ligjit nr. 8577/2000, Presidenti i Republikës, në datën 27.09.2019, ka rishpallur hapjen e procedurës së aplikimeve për plotësimin e vendit vakant, vakancë e parakohshme, të krijuar në Gjykatën Kushtetuese pas mbarimit të mandatit të gjyqtarit Besnik Imeraj.

4. Në përfundim të procedurës së aplikimeve për shprehjen e interesit për kandidim, Presidenti i Republikës i ka dërguar Këshillit të Emërimeve në Drejtësi aplikimet e kandidatëve të shoqëruara me dokumentet e paraqitura prej tyre për përmbushjen e kushteve dhe kritereve ligjore të përcaktuara në nenin 7/a të ligjit nr. 8577/2000.

5. Këshilli i Emërimeve në Drejtësi, me vendimin nr. 138, datë 22.10.2019, ka vendosur:

- Revokimin e vendimit nr. 137, datë 21.09.2019 dhe vijimin e procedurave të verifikimit dhe vlerësimit të kandidaturave për plotësimin e vakancës së parakohshme të shpallur nga Presidenti i Republikës me Dekretin nr. 11291, datë 27.09.2019.

6. Sipas rezultatit të shortit manual të realizuar në datën 05.04.2019, nga ana e Këshillit të Emërimeve në Drejtësi në zbatim të nenit 228 të ligjit nr. 115/2016 “Për organet e qeverisjes së sistemit të drejtësisë” (*në vijim ligji nr. 115/2016*) dhe të pikave 5, 27 deri 37 dhe 41 të aktit

nënligjor normativ, Vendimit të Këshillit të Emërimeve në Drejtësi nr. 2, datë 15.02.2019 “Për procedurën e shortit të caktimit të relatorëve për pozicionet vakante në çdo institucion”, si edhe të pikës 4 të Vendimit të Këshillit të Emërimeve në Drejtësi nr. 4, datë 11.03.2019 “Për procedurën e verifikimit të kandidatëve për pozicionet vakante në Gjykatën Kushtetuese dhe të Inspektorit të Lartë të Drejtësisë”, relator për ndjekjen e procedurave të verifikimit, vlerësimit, pikëzimit dhe renditjes së kandidaturave, është caktuar anëtari i Këshillit, zoti Eriol Roshi. Për shkak të përfundimit të mandatit të Këshillit të Emërimeve në Drejtësi (i përkohshëm) 2019, zhvillimi i procedurave të verifikimit për këtë pozicion vakant i kaluan Këshillit të Emërimeve në Drejtësi 2020, i cili në datën 15.01.2020 zhvilloi shortin manual dhe relator për ndjekjen e procedurave të verifikimit, vlerësimit, pikëzimit dhe renditjes së kandidaturave, është caktuar anëtarja e Këshillit, zonja Arta Marku. Sipas parashikimit të pikës 5/2, shkronja “b”, të vendimit nr. 4, datë 11.3.2019 të Këshillit të Emërimeve në Drejtësi, të ndryshuar, relatorja Arta Marku kontrollon saktësinë dhe plotësinë e veprimeve të kryera dhe konfirmoi veprimet e deritanishme të relatorëve të mëparshëm.

7. Këshilli i Emërimeve në Drejtësi me vendimin nr.268, datë 18.09.2020 i është drejtuar Presidentit të Republikës për arsye të uljes së numrit të kandidatëve nën minimumin e kërkuar nga ligji, konkretisht 3 dhe nga ana e këtij të fundit në zbatim të nenit 125 të Kushtetutës dhe të nenit 7/b të ligjit nr. 8577/2000, në datën 24.09.2020, ka rishpallur përsëri hapjen e procedurës së aplikimeve për plotësimin e vendit vakant, vakancë e parakohshme, të krijuar në Gjykatën Kushtetuese pas mbarimit përpara kohe të mandatit të gjyqtarit Besnik Imeraj.

8. Në përfundim të procedurës së aplikimeve për shprehjen e interesit për kandidim, Presidenti i Republikës i ka dërguar Këshillit të Emërimeve në Drejtësi aplikimet e kandidatëve të shoqëruara me dokumentet e paraqitura prej tyre për përmbushjen e kushteve dhe kritereve ligjore të përcaktuara në nenin 7/a të ligjit nr. 8577/2000 dhe, ndër të tjerët, edhe për kandidatin Altin Binaj.

9. Në zbatim të nenit 228 të ligjit nr. 115/2016 dhe të pikave 5, 27 deri 37 dhe 41 të aktit nënligjor normativ, Vendimit të Këshillit të Emërimeve në Drejtësi nr. 2, datë 15.02.2019 “Për procedurën e shortit të caktimit të relatorëve për pozicionet vakante në çdo institucion”, si edhe të pikës 4 të Vendimit të Këshillit të Emërimeve në Drejtësi nr. 4, datë 11.03.2019 “Për procedurën e verifikimit të kandidatëve për pozicionet vakante në Gjykatën Kushtetuese dhe të Inspektorit të Lartë të Drejtësisë”, në të njëjtën ditë të mbledhjes së zhvilluar në datën 20.10.2020, është realizuar edhe procedura për caktimin me short manual të relatorëve për vendin vakant të krijuar në Gjykatën Kushtetuese.

10. Sipas rezultatit të shortit manual të realizuar nga Këshilli i Emërimeve në Drejtësi, lidhur me vendin vakant në Gjykatën Kushtetuese, të shpallur nga Presidenti i Republikës në datën 07.02.2018, rishpallur në datën 27.09.2019 dhe rishpallur në datën 24.09.2020, relator për ndjekjen e procedurave të verifikimit, vlerësimit, pikëzimit dhe renditjes së kandidaturave, është caktuar anëtarja e Këshillit, zonja Vitore Tusha.

11. Zoti Altin Binaj, si njëri ndër kandidatët që ka shprehur interesin për vendin vakant të sipërcituar në Gjykatën Kushtetuese, në zbatim të pikës 22 të Vendimit të Këshillit të Emërimeve në Drejtësi nr. 4, datë 11.03.2019 “Për procedurën e verifikimit të kandidatëve për pozicionet vakante në Gjykatën Kushtetuese dhe të Inspektorit të Lartë të Drejtësisë”, është njoftuar me shkrim për t’u paraqitur pranë Këshillit për të vijuar me përmbushjen e procedurave të verifikimit të kandidaturës. Njoftimi me shkrim datë 21.10.2020 është kryer në rrugë elektronike

në adresën e deklaruar nga vetë kandidati Altin Binaj, si dhe gjendet i administruar në dosjen e kandidimit.

12. Në datën 26.10.2020, kandidati Altin Binaj është paraqitur pranë Këshillit të Emërimeve në Drejtësi dhe është pajisur me formularët e deklarimit dhe autorizimet që duhet të plotësohen për qëllimet e vijimit të procedurës së verifikimit të kandidaturës së tij. Kryerja e kësaj procedure vërtetohet nga nënshkrimi prej vetë kandidatit të Deklaratës përkatëse, e cila gjendet e administruar në dosjen e kandidimit.

13. Në datën 29.10.2020 kandidati Altin Binaj ka depozituar në sekretarinë e Këshillit të Emërimeve në Drejtësi formular të deklarimit dhe autorizimet përkatëse për qëllimet e vijimit të procedurës së verifikimit të kandidaturës së tij, të cilat gjenden të administruara në dosjen e kandidimit.

14. Kandidati Altin Binaj ka kandiduar edhe për vakancën e shpallur nga Presidenti i Republikës për shkak të mbarimit përpara kohe të mandatit të gjyqtarit Besnik Muçi, për të cilën Këshilli i Emërimeve në Drejtësi me vendimin nr. 25, datë 16.09.2020 ka vendosur: *“1. Lejimin e kandidimit të kandidatit Altin Binaj, në vendin vakant për gjyqtar në Gjykatën Kushtetuese, të shpallur nga Presidenti i Republikës në datën 22.11.2019”*.

15. Kandidati Altin Binaj i është nënshtruar procesit të rivlerësimit kalimtar sipas ligjit 84/2016 “Për rivlerësimin kalimtar të Gjyqtarëve dhe Prokurorëve në Republikën e Shqipërisë” dhe Komisioni i Pavarur i Kualifikimit me vendimin nr. 101, datë 23.01.2019 ka vendosur: *“1. Konfirmimin në detyrë të subjektit e rivlerësimit, z. Altin Binaj, Prokuror në Prokurorinë e Apelit Vlorë”*, vendim i cili ka marrë formë të prerë.

16. Për llogaritjen dhe ndjekjen e zbatimit të afatit të parashikuar në pikën 2 të nenit 235 të ligjit nr. 115/2016, si edhe në zbatim të pikës 60 të Vendimit të Këshillit të Emërimeve në Drejtësi nr. 4, datë 11.03.2019 “Për procedurën e verifikimit të kandidatëve për pozicionet vakante në Gjykatën Kushtetuese dhe të Inspektorit të Lartë të Drejtësisë”, me shkresën nr.325 prot., datë 03.11.2020, Këshilli i ka dërguar ILDKPKI-së listën e kandidatëve dhe personave të lidhur me ta që i nënshtrohen procedurës së verifikimit të kushteve dhe kriterëve të tjera ligjore të kandidimit sipas ligjit nr. 8577/2000 dhe ligjit nr. 115/2016.

17. Bashkëlidhur kësaj shkrese drejtuar ILDKPKI-së, ndërmjet të tjerave, është vendosur edhe Deklarata e nënshkruar nga kandidati Altin Binaj, ku tregohet se është pajisur me formularët e deklarimit dhe autorizimet që duhet të plotësohen për qëllimet e procedurës së verifikimit të kandidaturës së tij, si edhe data e nënshkrimit, nga e cila fillojnë të llogariten afatet e përcaktuara nga ligji për përmbushjen e detyrimeve ligjore të kandidatit për procedurën e verifikimit të kandidaturës. Sipas kësaj Deklarate, rezulton se kandidati Altin Binaj është paraqitur pranë zyrës së Këshillit të Emërimeve në Drejtësi dhe e ka nënshkruar atë në datën 26.10.2020.

18. ILDKPKI-ja, në zbatim të nenit 235 të ligjit nr. 115/2016, të ligjit të ligjit nr. 9049, datë 10.04.2003 “Për deklarimin dhe kontrollin e pasurive, të detyrimeve financiare të të zgjedhurve dhe të disa nëpunësve publikë” (në vijim ligji nr. 9049/2003) dhe ligjit nr. 9367, datë 07.04.2005 “Për parandalimin e konfliktit të interesave në ushtrimin e funksioneve publike” (në vijim ligji nr. 9367/2005), me shkresën nr. 2983/4 Prot., datë 16.11.2020, ka dërguar pranë Këshillit të Emërimeve në Drejtësi rezultatet e kontrollit të ushtruar për kandidatin Altin Binaj dhe personat

e lidhur me të. Rezultatet e kontrollit janë të pasqyruara në shkresën 299/25 Prot., datë 16.11.2020 gjithsej 19 faqe.

19. Gjithashtu, në funksion të ushtrimit të kompetencave të tij për verifikimin e plotësisimit të kushteve dhe kriterëve ligjore të kandidimit, për sa i përket kontrollit të pasurisë, në zbatim të pikës 4 të nenit 229 dhe 235 të ligjit nr. 115/2016, të shkronjës “e” të pikës 20, 24, shkronjës “b” të pikës 60 e vijues të Vendimit të Këshillit të Emërimeve në Drejtësi nr. 4, datë 11.03.2019 “Për procedurën e verifikimit të kandidatëve për pozicionet vakante në Gjykatën Kushtetuese dhe të Inspektorit të Lartë të Drejtësisë” edhe Këshilli ka kryer veprimet verifikuese të kërkimit nga subjekte publike dhe private, të të dhënave mbi pasuritë, interesat private dhe detyrimet financiare që ekzistojnë në emër dhe për llogari të kandidatit Altin Binaj dhe personave të lidhur me të.

20. Për realizimin e veprimeve verifikuese të lidhura me kontrollin e pasurisë së kandidatit Altin Binaj, Këshilli i Emërimeve në Drejtësi, në datën 04.11.2020, i është drejtuar me kërkesa për informacion dhe ka marrë përgjigjet përkatëse me të dhënat e kërkuara nga secili prej institucioneve publike dhe subjekteve private (të cilat janë administruar në dosjen e kandidimit), si vijon:

- a) Institucioneve bankare: (1) Banka Alpha Albania, (2) Banka Amerikane e Investimeve, (3) Banka Credins, (4) Banka e Bashkuar e Shqipërisë, (5) Banka e Parë e Investimeve, (6) Banka Intesa Sanpaolo, (7) Banka Kombëtare Tregtare, (8) Banka Procredit, (9) Banka Raiffeisen, (10) Banka Societe Generale, (11) Banka Tirana dhe (12) Banka Union.
- b) Institucione financiare të licencuara nga Banka e Shqipërisë: (1) Ak-Invest, (2) Albania Leasing, (3) Capital Invest, (4) Easypay sh.p.k, (5) Final sha, (6) Fondi Besa, (7) Iutecredit Albania, (8) Landeslease, (9) M – Pay sh.p.k, (10) NOA sha, (11) Porsche Leasing, (12) Posta Shqiptare, (13) Raiffeisen Leasing, (14) Tirana Factoring & Lease, (15) Tranzit sha, (16) Union Financiar Tiranë.
- c) Subjekte financiare të licencuar nga AMF : (1) Fondi i Pensionit Vullnetar Credins Pension, (2) Fondi i Investimit Credins Premium, (3) Fondi i Investimit Raiffeisen Invest Euro, (4) Fondi i Investimit Raiffeisen Prestigj, (5) Fondi i Investimit Raiffeisen Vision, (6) Fondi i Investimit WVP Top Invest, (7) Fondi i Pensionit Vullnetar Raiffeisen, (8) Fondi i Pensionit Vullnetar Sigal.
- ç) Institucione të tjera publike si : (1) Agjencia Shtetërore e Kadastrës, (2) DPSHTRR, (3) D.P.Tatimeve, (4) M.Drejtësisë, (5) OSHEE, (6) QKB, (7) UKT.

21. Në përgjigje të kërkesave për informacion të Këshillit të Emërimeve në Drejtësi, të gjitha institucionet publike dhe subjektet private të treguara më sipër, kanë dërguar pranë Këshillit përgjigjet përkatëse ku përmbahen të gjitha të dhënat e kërkuara mbi pasuritë e kandidatëve, nëse kanë pasur të tilla për secilin prej tyre, përfshirë edhe kandidatin Altin Binaj.

22. Për verifikimin e kushteve dhe kriterëve ligjore të kandidimit, lidhur me verifikimin dhe kontrollin e integritetit, në zbatim të shkronjës “ç” të nenit 7/a të ligjit nr. 8577/2000, të nenit 236 të ligjit nr. 115/2016, si edhe në zbatim të pikës 82 të Vendimit të Këshillit të Emërimeve në Drejtësi nr. 4, datë 11.03.2019 “Për procedurën e verifikimit të kandidatëve për pozicionet vakante në Gjykatën Kushtetuese dhe të Inspektorit të Lartë të Drejtësisë”, me shkresën nr. 326 Prot., datë 03.11.2020, Këshilli ka dërguar në Prokurorinë e Përgjithshme për kompetencë formularin e vetëdeklarimit të plotësuar nga kandidati Altin Binaj sipas ligjit nr. 138/2015 “Për

garantimin e integritetit të personave që zgjidhen, emërohen ose ushtrojnë funksione publike” (në vijim ligji nr. 138/2015).

23. Prokuroria e Përgjithshme, me shkresën nr. 1624/355 Prot., datë 16.11.2020, ka dërguar pranë Këshillit të Emërimeve në Drejtësi rezultatet e kontrollit të ushtruar për kandidatin Altin Binaj.

24. Për verifikimin e kushteve dhe kriterëve ligjore të kandidimit, lidhur me verifikimin dhe kontrollin e integritetit të kandidatis Altin Binaj, në zbatim të shkronjës “ç” të nenit 7/a të ligjit nr. 8577/2000, të nenit 236 të ligjit Nr. 115/2016, si edhe në zbatim të pikës 84 të Vendimit të Këshillit të Emërimeve në Drejtësi nr. 4, datë 11.03.2019 “Për procedurën e verifikimit të kandidatëve për pozicionet vakante në Gjykatën Kushtetuese dhe të Inspektorit të Lartë të Drejtësisë”, Këshilli i është drejtuar me kërkesë për ndihmë administrative për përpunimin e informacionit të klasifikuar për qëllimet e verifikimit të integritetit të kandidatëve Drejtorisë së Sigurisë së Informacionit të Klasifikuar (*shkresa Nr. 327 Prot., datë 03.11.2020*) dhe me kërkesë për informacion Shërbimit për Çështjet e Brendshme dhe Ankesat pranë Ministrisë së Brendshme (*shkresa Nr. 329 Prot., datë 03.11.2020*).

25. Drejtoria e Sigurisë së Informacionit të Klasifikuar dhe Shërbimi për Çështjet e Brendshme dhe Ankesat pranë Ministrisë së Brendshme kanë dërguar përgjigjet e tyre, përkatësisht me shkresën nr. 2663 Prot., datë 12.11.2020 dhe nr.3030/2, datë 12.11.2020.

26. Gjithashtu, lidhur me verifikimin dhe kontrollin e integritetit, në zbatim të nenit 229 dhe 236 të ligjit nr. 115/2016, të dispozitave të ligjit nr. 45/2015 “Për të drejtën e informimit për dokumentet e ish-Sigurimit të Shtetit të Republikës Popullore Socialiste të Shqipërisë” (në vijim ligji nr. 45/2015), si edhe në zbatim të pikës 85 të Vendimit të Këshillit të Emërimeve në Drejtësi nr. 4, datë 11.03.2019 “Për procedurën e verifikimit të kandidatëve për pozicionet vakante në Gjykatën Kushtetuese dhe të Inspektorit të Lartë të Drejtësisë”, me shkresën nr. 328 Prot., datë 03.11.2020, Këshilli ka dërguar formularin e aplikimit përkatës të plotësuar sipas ligjit nga kandidati Altin Binaj për kompetencë dhe shqyrtim Autoritetit për Informimin mbi Dokumentet e Ish-Sigurimit të Shtetit.

27. Autoriteti për Informimin mbi Dokumentet e Ish-Sigurimit të Shtetit, me shkresën nr. 1216/2 Prot., datë 12.11.2020, ka dërguar Vendimin nr. 74, datë 13.02.2020 pranë Këshillit të Emërimeve në Drejtësi me rezultatet e kontrollit të ushtruar për kandidatin Altin Binaj.

28. Për verifikimin e kushteve dhe kriterëve ligjore të kandidimit, në zbatim të shkronjave “b”, “c” dhe “d” të pikës 1, pikës 2 dhe 3 të nenit 7/a të ligjit nr. 8577/2000, të nenit 237 të ligjit nr. 115/2016, si edhe në zbatim të pikave 91, 92 dhe 93 të Vendimit të Këshillit të Emërimeve në Drejtësi nr. 4, datë 11.03.2019 “Për procedurën e verifikimit të kandidatëve për pozicionet vakante në Gjykatën Kushtetuese dhe të Inspektorit të Lartë të Drejtësisë”, Këshilli ka shqyrtuar dokumentacionin përkatës të depozituar nga vetë kandidati Altin Binaj në momentin e kandidimit pranë organit të emërtesës që ka shpallur vendin vakant.

29. Lidhur me kushtin e kandidimit të parashikuar nga pika 5 e nenit 125 të Kushtetutës dhe shkronja “c” e pikës 1 të nenit 7/a të ligjit nr. 8577/2000, pra që kandidati të mos ketë mbajtur pozicione drejtuese në parti politike gjatë 10 viteve të fundit nga data e kandidimit, Këshilli në datën 04.11.2020 i është drejtuar me kërkesë për informacion partive politike, duke i

bashkëlidhur listat e të gjithë kandidatëve për gjyqtar në Gjykatën Kushtetuese, përfshirë edhe kandidatin Altin Binaj.

30. Sipas pikës 25 të Vendimit nr. 4, datë 11.03.2019, i ndryshuar, të Këshillit të Emërimeve në Drejtësi, si dhe nenit 18 të Kodit të Procedurave Administrative, bazuar në parimin e deburokratizimit dhe të efikasitetit, në lidhje me sa parashikohet nga neni 237 i ligjit nr. 115/2016, pra mbi verifikimin e kushteve ligjore të parashikuara në ligjin për Gjykatën Kushtetuese, relatorja vlerësoi që pjesë e dosjes së kandidatit z. Altin Binaj të bëhet edhe akti “Vendim nr. 25, datë 16.09.2020 i Këshillit të Emërimeve në Drejtësi”.

31. Këshilli, në vijim të komunikimeve të deritanishme, i bëri me dije kandidatit Altin Binaj sipas pikës 25 të Vendimit nr. 4, datë 11.03.2019, i ndryshuar, të Këshillit të Emërimeve në Drejtësi, se relatorja ka disponuar për t'u bërë pjesë e dosjes që po shqyrtohet Vendimin nr. 25, datë 16.09.2020, të Këshillit të Emërimeve në Drejtësi, i cili ndodhet në dosjen e kandidatit. Në lidhje me sa më sipër, kandidati konfirmoi me e-mail në po të njëjtën datë marrjen dijeni të këtij disponimi.

32. Sipas Vendimit nr. 25, datë 16.09.2020 të Këshillit të Emërimeve në Drejtësi rezulton se kandidati Altin Binaj, me zotësi të plotë për të vepruar (*shkonja “a” e pikës 1, të nenit 7/a të ligjit nr. 8577/2000*), ka mbaruar arsimin e lartë juridik, Diplomë e Nivelit të Dytë (*shkonja “b” e pikës 1, të nenit 7/a të ligjit nr. 8577/2000*), nuk ka ushtruar funksione politike në administratën publike dhe nuk ka mbajtur pozicione drejtuese në parti politike gjatë 10 viteve të fundit nga data e kandidimit (*shkonja “c” e pikës 1, të nenit 7/a të ligjit nr. 8577/2000*), nuk ka procedim penal dhe nuk është dënuar me burgim për kryerjen e një vepre penale (*shkonja “ç” e pikës 1, të nenit 7/a të ligjit nr. 8577/2000*), nuk është larguar nga detyra për shkaqe disiplinore dhe nuk ka masë disiplinore në fuqi (*shkonja “d” e nenit 7/a të ligjit nr. 8577/2000*), ka kaluar me sukses procesin e kontrollit dhe verifikimit të pasurisë së tij personale dhe të familjarëve të tij, sipas ligjit, (*shkonja “dh” e nenit 7/a të ligjit nr. 8577/2000*), ka përvojë pune mbi 15 vjet si prokuror (*shkonja “a” e pikës 2, të nenit 7/a të ligjit nr. 8577/2000*).

33. Gjithashtu në vijim të komunikimeve Këshilli, në kuadër të verifikimit të kushteve ligjore të kandidimit sipas shkronjës “d” të pikës 1 të nenit 7/a të ligjit nr. 8577/2000, që kandidati “*të mos jetë larguar nga detyra për shkaqe disiplinore dhe të mos ketë masë disiplinore në fuqi*”, (bëhet fjalë për periudhën pas datës 16.09.2020, pasi para kësaj periudhe kandidati është verifikuar dhe Këshilli ka konkluduar me vendimin nr. 25, datë 16.09.2020), i kërkoi informacion kandidatit në lidhje me masa disiplinore në fuqi.

34. Kandidati Altin Binaj konfirmoi mbërritjen rregullisht të njoftimit elektronik, nëpërmjet të cilit i kërkohet informacioni i sipërcituar, duke informuar se:

*“Në përgjigje të sa më sipër, ju vetëdeklaroj me përgjegjësi si në vijim :*

*-Gjatë gjithë eksperiencës sime profesionale, nuk ka patur asnjë rast që ndaj subjektit tim të jetë filluar ndonjë procedurë disiplinore, për çfarëdolloj shkak.*

*-Gjatë gjithë eksperiencës sime profesionale, nuk ka patur asnjë rast që ndaj subjektit tim të jetë marrë ndonjë masë disiplinore, për çfarëdolloj shkak.*

*-Aktualisht ndaj subjektit tim, nuk ka asnjë masë disiplinore në fuqi”.*

35. Në përfundim të veprimeve dhe procedurave të kontrollit dhe verifikimit, në zbatim të neneve 235, 236 dhe 237 të ligjit nr. 115/2016, si edhe të pikave 29, 75 dhe 87 të Vendimit të Këshillit të Emërimeve në Drejtësi nr. 4, datë 11.03.2019 “Për procedurën e verifikimit të

kandidatëve për pozicionet vakante në Gjykatën Kushtetuese dhe të Inspektorit të Lartë të Drejtësisë”, anëtari i Këshillit relator i çështjes ka proceduar me përgatitjen e relacionit përkatës mbi gjendjen e faktit dhe të ligjit të zbatueshëm dhe e ka dërguar çështjen për shqyrtim në mbledhjen e Këshillit.

36. Në zbatim të pikës 33 të Vendimit të Këshillit të Emërimeve në Drejtësi nr. 4, datë 11.03.2019 “Për procedurën e verifikimit të kandidatëve për pozicionet vakante në Gjykatën Kushtetuese dhe të Inspektorit të Lartë të Drejtësisë, zv/Kryetari ka thirrur mbledhjen e Këshillit, duke njoftuar anëtarët për zhvillimin e saj në datën 23.11.2020, ora 11:00, rendin e ditës, si edhe duke i bashkëlidhur njoftimit materialet e çështjes. Në rendin e ditës është përfshirë edhe çështja me objekt: *“Për gjetjet në procedurën e verifikimit për kandidatin Altin Binaj për vendin vakant, vakancë e parakohshme në Gjykatën Kushtetuese, e shpallur nga Presidenti i Republikës në datën 07.02.2018, rishpallur në datën 27.09.2019 dhe rishpallur në datën 24.09.2020.”*.

37. Në zbatim të pikës 34 të Vendimit të Këshillit të Emërimeve në Drejtësi nr. 4, datë 11.03.2019 “Për procedurën e verifikimit të kandidatëve për pozicionet vakante në Gjykatën Kushtetuese dhe të Inspektorit të Lartë të Drejtësisë”, dita dhe koha e zhvillimit të mbledhjes, së bashku me relacionin e përgatitur nga relatori, i është njoftuar kandidatit Altin Binaj.

38. I njëjti njoftim, së bashku me dokumentacionin e përgatitur nga relatori mbi veprimet e kryera gjatë procedurës së verifikimit, si edhe materiale të çështjes, i janë dërguar edhe Avokatit të Popullit.

39. Për zhvillimin e mbledhjes së Këshillit në datën 23.11.2020, ora 11:00, rendin e ditës dhe relacionin e përgatitur janë njoftuar edhe subjektet që sipas ligjit ftohen të marrin pjesë në mbledhjet e Këshillit.

40. Dita dhe koha e zhvillimit të mbledhjes, si edhe rendi i ditës janë njoftuar publikisht edhe në faqen zyrtare të Gjykatës së Lartë, në pjesën e caktuar për Këshillin e Emërimeve në Drejtësi.

41. Në mbledhjen e Këshillit, pas relatimit të parashtruar nga anëtari relator dhe shpjegimeve mbi pyetjet sqaruese të drejtuara nga anëtarët e Këshillit, Këshilli dëgjoi mendimin e Avokatit të Popullit lidhur me mënyrën e procedimit të ndjekur për verifikimin e kandidatit Altin Binaj.

42. Avokati i Popullit, në thelb, parashtroi se ishte dakord me procedurën e ndjekur për verifikimin e kandidatit.

## **II. Vlerësimi i Këshillit të Emërimeve në Drejtësi**

43. Këshilli i Emërimeve në Drejtësi, duke u bazuar në dispozitat ligjore dhe ato nënligjore normative të zbatueshme për çështjen në shqyrtim, si edhe në rrethanat e faktit që rezultojnë në aktet që përmban dosja e kandidatit, vlerëson se duhet të procedojë me vendim “Për lejimin e kandidimit” të kandidatit Altin Binaj për vendin vakant në Gjykatën Kushtetuese, të shpallur nga Presidenti i Republikës në datën 07.02.2018, rishpallur në datën 27.09.2019 dhe rishpallur në datën 24.09.2020.

44. Në pikën 4 dhe 5 të nenit 125 të Kushtetutës, parashikohet se:  
*“4. Gjyqtarët e Gjykatës Kushtetuese duhet të kenë arsim të lartë juridik, të paktën 15 vjet përvojë pune si gjyqtarë, prokurorë, avokatë, profesorë ose lektorë të së drejtës, nëpunës të*



*nivelit të lartë në administratën publike, me një veprimtari të spikatur në fushën e së drejtës kushtetuese, të drejtave të njeriut ose në sfera të tjera të së drejtës.*

*5. Gjyqtari nuk duhet të ketë mbajtur funksione politike në administratën publike ose pozicione drejtuese në një parti politike gjatë 10 vjetëve të fundit përpara kandidimit. Kritere të tjera, si dhe procedura për emërimin dhe zgjedhjen e gjyqtarëve të Gjykatës Kushtetuese rregullohen me ligj.”*

45. Në pikën 1 dhe 2 të nenit 7/a të ligjit nr. 8577/2000 parashikohet se:

*“1. Gjyqtari i Gjykatës Kushtetuese mund të zgjidhet shtetasi shqiptar që përmbush këto kushte:*

*a) të ketë zotësi të plotë për të vepruar;*

*b) të ketë mbaruar arsimin e lartë juridik, Diplomë e Nivelit të Dytë;*

*c) të mos ketë ushtruar funksione politike në administratën publike dhe të mos ketë mbajtur pozicione drejtuese në parti politike gjatë 10 viteve të fundit nga data e kandidimit;*

*ç) të mos jetë në procedim penal dhe të mos jetë dënuar me burgim për kryerjen e një vepre penale;*

*d) të mos jetë larguar nga detyra për shkaqe disiplinore dhe të mos ketë masë disiplinore në fuqi;*

*dh) të ketë kaluar me sukses procesin e kontrollit dhe verifikimit të pasurisë së tij personale dhe të familjarëve të tij, sipas ligjit.*

*2. Kandidati që përmbush kushtet e parashikuara në pikën 1 të këtij Neni, duhet të plotësojë edhe këto kritere:*

*a) të ketë përvojë pune jo më pak se 15 vjet si gjyqtar, prokuror, avokat, profesor ose lektor i së drejtës, jurist i nivelit të lartë në administratën publike;*

*b) të ketë një veprimtari të njohur në fushën e të drejtës kushtetuese, të drejtave të njeriut ose sfera të tjera të së drejtës;*

*c) të jetë vlerësuar për aftësitë profesionale dhe integritetin etik e moral.”.*

46. Për sa i përket procedurës së verifikimit të pasurisë dhe integritetit, Këshilli i Emërimeve në Drejtësi mban parasysht që me vendimin nr. 101, datë 23.01.2019 të Komisionit të Pavarur të Kualifikimit, subjekti i rivlerësimit Altin Binaj është konfirmuar në detyrë, vendim i cili ka marrë formë të prerë në datën 12.03.2019. Vendimet e Komisionit të Pavarur të Kualifikimit për konfirmimin në detyrë të subjekteve të rivlerësimit merren në përfundim të hetimit dhe shqyrtimit të gjetjeve për të tre komponentët e kontrollit: pasurinë, figurën (integritetin) dhe aftësitë profesionale. Për rrjedhojë, sipas procedurës së rivlerësimit kalimtar të gjyqtarëve dhe prokurorëve, ky kandidat nuk gjendet në kushtet e ndalimit të kandidimit.

47. Megjithatë, ky Këshill, sipas parashikimit të pikës 110 të Vendimit të Këshillit të Emërimeve në Drejtësi nr. 4, datë 11.03.2019 “Për procedurën e verifikimit të kandidatëve për pozicionet vakante në Gjykatën Kushtetuese dhe të Inspektorit të Lartë të Drejtësisë”, ka vijuar verifikimet dhe për sa i përket procedurës së verifikimit të pasurisë. Në përfundim të veprimeve të kontrollit të ushtruar në zbatim të nenit 235 të ligjit nr. 115/2016, të ligjit nr. 9049/2003 dhe ligjit nr. 9367/2005, me shkresën nr. 2983/4 Prot., datë 16.11.2020 ILDKPKI-ja, ka dërguar pranë Këshillit të Emërimeve në Drejtësi rezultatet e kontrollit të ushtruar për kandidati Altin Binaj dhe personat e lidhur me të.

48. Në përfundim të analizës së hollësishme financiare të kryer mbi bazën e gjetjeve të siguruara nga informacionet e dërguara nga institucione publike dhe subjekte private, lidhur me deklarinimin e pasurisë dhe interesave private të kandidatit Altin Binaj, ILDKPKI-ja në raportin e paraqitur ka ardhur në përfundimet se:

- a) *Deklarimi është i saktë në përputhje me ligjin.*
- b) *Ka burime financiare të ligjshme për të justifikuar pasurinë.*
- c) *Nuk ka kryer fshehje të pasurisë.*
- ç) *Nuk ka kryer deklarinim të rremë.*
- d) *Nuk gjendet në situatën e konfliktit të interesave.*

49. Këshilli i Emërimeve në Drejtësi verifikoi përputhshmërinë e të dhënave të deklaruara nga kandidatit Altin Binaj në Deklaratën e Pasurisë dhe Interesave Privatë të Kandidatit për Pozicione të Ndryshme në Institucionet e Sistemit të Drejtësisë, që ka depozituar pranë ILDKPKI-së, mbi bazën e të cilave ky institucion ka realizuar analizën financiare dhe ka ardhur në përfundimet e tij, në raport me të dhënat që rezultojnë nga informacionet e dërguara pranë Këshillit nga institucionet publike dhe private të treguara në pikën 20 të këtij Vendimi.

50. Mbi bazën e verifikimeve të kryera, Këshillit i rezulton se nuk ka gjetje që tregojnë të dhëna të padeklaruara apo mospërputhje të tyre me të dhënat e treguara në deklarinimet e bëra nga kandidatit Altin Binaj pranë ILDKPKI-së me Deklaratën e Pasurisë dhe Interesave Privatë të Kandidatit për Pozicione të Ndryshme në Institucionet e Sistemit të Drejtësisë.

51. Gjithashtu, Këshilli e vlerësoi të plotë dhe ezaurues, sipas kërkesave të legjisllacionit në fuqi, hetimin e thelluar dhe analizat e hollësishme financiare të realizuara nga ILDKPKI-ja, sikurse edhe përfundimet e këtij institucioni mbi kontrollin e pasurisë dhe interesave private të kandidatit Altin Binaj.

52. Për këto arsye, në zbatim të shkronjës “dh” të pikës I të nenit 7/a të ligjit nr. 8577/2000 dhe të nenit 235 të ligjit nr. 115/2016, Këshilli vjen në përfundimin se kandidati Altin Binaj ka *“kaluar me sukses procesin e kontrollit dhe verifikimit të pasurisë së tij personale dhe të familjarëve të tij”*. Për rrjedhojë, në zbatim të nenit 235 të ligjit nr. 115/2016, ky kandidat nuk gjendet në kushtet e ndalimit të kandidimit për sa i përket verifikimit të pasurisë.

53. Lidhur me verifikimin dhe kontrollin e integritetit, ashtu sikundër është pasqyruar në pikat 22-27 të vendimit, kandidati Altin Binaj ka dorëzuar në afat formularin e vetëdeklarimit sipas ligjit nr. 138/2015, të cilin Këshilli ia ka përcjellë për verifikim dhe kompetencë sipas ligjit Prokurorisë së Përgjithshme.

54. Prokuroria e Përgjithshme, me shkresën nr. 1624/355 Prot., datë 16.11.2020, ka dërguar pranë Këshillit të Emërimeve në Drejtësi rezultatet e kontrollit të ushtruar për kandidatin Altin Binaj, duke ardhur në përfundimet me Vendimin datë 16.11.2020 *“Për miratimin e rezultateve të verifikimit për subjektin Altin Binaj”* se : *“Altin Mitat Binaj, kandidat për gjyqtar në Gjykatën Kushtetuese, nuk rezulton të ketë gjeneralitete të mëparshme të regjistruara; nuk rezulton të jetë i dënuar me vendim të formës së prerë nga ndonjë autoritet gjyqësor shqiptar, për kryerjen e ndonjë veprë penale; nuk rezulton të jetë e dënuar me vendim gjyqësor jopërfundimtar nga ndonjë autoritet gjyqësor shqiptar, për ndonjë çështje penale; nuk rezulton të ketë qenë i siguaruar me masë shtrënguese të sigurisë personale; nuk rezulton të ketë qenë ndonjëherë i*

*ndaluar apo arrestuar nga organet ligjzbatuese, për kryerjen e një vepre penale; nuk rezulton të ketë indicie apo të dhëna a rrethana, fakte të bëra publike apo informacion, me qëllim verifikimi:*

- *për veprimtari kriminale të kryer jashtë territorit të Republikës së Shqipërisë;*
- *për qenien në hetim ose gjykim nga një autoritet i huaj;*
- *për urdhër kërkimi ndërkombëtar lidhur me kryerjen e ndonjë vepre penale prej tij;*
- *dëbime nga territori i ndonjë shteti jashtë territorit të Republikës së Shqipërisë;*
- *përdorimin e të dhënave personale/gjeneraliteteve të tjera.*

*2. Ky vendim mbi rezultatet e verifikimit t'i njoftohen brenda 3 (tre) ditëve Këshillit të Emërimeve në Drejtësi, i cili si organ kompetent në zbatim të nenit 12 e 13 të Kreut V të Vendimit të Kuvendit nr. 17/2016, duhet të shqyrtojë nëse janë evidentuar të dhëna që përfshihen në sferën e kufizimeve të nenit 2 të ligjit nr. 138/2015 dhe në vijim, të vlerësojë nëse ato janë brenda periudhës së ndalimit të përcaktuar në nenin 4 të po këtij ligji.*

55. Nisur nga rezultatet e kontrollit të ushtruar nga Prokuroria e Përgjithshme sipas ligjit, Këshilli vjen në përfundimin se kandidati Altin Binaj, krahas plotësimit të saktë të formularit të vetëdeklarimit, nuk përfshihet në fushën e veprimit të nenit 2 të ligjit nr. 138/2015, duke përmbushur kushtin e parashikuar nga shkronja “ç” e nenit 7/a të ligjit nr. 8577/2000, pra që kandidati të mos jetë në procedim penal dhe të mos jetë dënuar me burgim për kryerjen e një vepre penale.

56. Në vijim të procedurave të verifikimit të integritetit, kandidati Altin Binaj ka dorëzuar në afat formularin e aplikimit “*Për informim përpara emërimit/zgjedhjes në poste të larta*” parashikuar në ligjin nr. 45/2015, të cilin Këshilli ia ka përcjellë për verifikim dhe kompetencë sipas ligjit Autoritetit për Informimin mbi Dokumentet e Ish-Sigurimit të Shtetit.

57. Autoriteti për Informimin mbi Dokumentet e Ish-Sigurimit të Shtetit, me shkresën nr. 1216/2 Prot., datë 12.11.2020, ka dërguar Vendimin nr. 74, datë 13.02.2020 pranë Këshillit të Emërimeve në Drejtësi me rezultatet e kontrollit të ushtruar për kandidatin Altin Binaj, duke ardhur përfundimet se:

a) *Për zotin Altin Binaj, nga verifikimet e kryera deri tani nuk figurojnë të ketë materiale në dokumentet të ish- Sigurimit të Shtetit në emër të tij, sipas nenit 29, pika 2 të ligjit nr.45/2015 “Për të Drejtën e Informimit për Dokumentet e ish-Sigurimit të Shtetit të Republikës Popullore Socialiste të Shqipërisë”.*

58. Nisur nga rezultatet e kontrollit të ushtruar nga Autoriteti për Informimin mbi Dokumentet e Ish-Sigurimit të Shtetit, Këshilli vjen në përfundimin se kandidati Altin Binaj, krahas plotësimit të saktë të formularit përkatës të aplikimit, përmbush kushtet e parashikuara nga ligji nr. 45/2015 për pastërtinë e figurës së funksionarit kushtetues në lidhje me sjelljen dhe veprimtarinë tij përpara muajit korrik 1991.

59. Gjithashtu, në vijim të kontrollit të integritetit, Këshilli i Emërimeve në Drejtësi verifikoi, duke iu drejtuar sipas ligjit organeve kompetente ligjzbatuese si Drejtoria e Sigurimit të Informacionit të Klasifikuar dhe Shërbimi i Kontrollit të Çështjeve të Brendshme dhe Ankesave pranë Ministrisë së Brendshme, për të marrë informacionin nëse kandidati Altin Binaj “*ka lidhje ose kontakte të papërshtatshme me personat e përfshirë në krimin e organizuar ose me persona të dyshuar të krimin të organizuar*”. Ky verifikim përbën standardin kushtetues dhe ligjor tashmë të vendosur për figurën dhe integritetin e funksionarëve të sistemit të drejtësisë, përpara zgjedhjes dhe gjatë ushtrimit të funksionit, kushtetutshmërisht të përcaktuara në nenin DH të Aneksit të Kushtetutës, pas ndryshimeve të saj në vitin 2016 si dhe, në ligjet e tjera të nxjerra në

pajtim me të, përfshirë ligjin nr. 84/2016, duke u siguruar Këshilli që të veprojë mbi të njëjtat parime dhe standarde ligjore të kontrollit dhe verifikimit të gjyqtarëve të Republikës së Shqipërisë.

60. Shërbimi për Çështjet e Brendshme dhe Ankesat pranë Ministrisë së Brendshme ka dërguar përgjigje, me shkresën nr. 3030/2 Prot., datë 12.11.2020, nga ku rezulton se, në lidhje me kandidatin Altin Binaj, nuk disponohen të dhëna/informacione që bien në kundërshtim me kërkesat ligjore për integritetin e figurës.

61. Drejtoria e Sigurimit të Informacionit të Klasifikuar, me shkresën nr. 2663 Prot, datë 12.11.2020, ka përcjellë pranë Këshillit të Emërimeve në Drejtësi informacionin e klasifikuar e të përpunuar sipas standardeve ligjore dhe profesionale për këtë kategori informacionesh, të dërguara nga agjencitë ligjzbatuese të cituara në pikën më sipër, nga ku rezulton se, në lidhje me kandidatin Altin Binaj:

*a) “Në përfundim të procedurave të verifikimit nuk disponohen të dhëna/informacione që bien në kundërshtim me kërkesat e pikës 89 germa “a” dhe “c”, për integritetin e figurës të z. Altin Binaj, kandidat për gjyqtar në Gjykatën Kushtetuese”.*

62. Këshilli i Emërimeve në Drejtësi, bazuar në njohjen dhe shqyrtimin e informacionit të klasifikuar të dërguar nga agjencitë ligjzbatuese, vjen në përfundimin se, edhe mbas këtij kontrolli të thelluar, kandidati Altin Binaj nuk gjendet në kushtet që mund të sjellin ndalimin e kandidimit.

63. Prandaj, në përfundim të kontrollit të integritetit të z. Altin Binaj, Këshilli i Emërimeve në Drejtësi, bazuar në njohjen dhe shqyrtimin e informacionit të përcjellë nga Prokuroria e Republikës si dhe, nga organet dhe agjencitë ligjzbatuese si më sipër përshkruar, konkludon se, në zbatim të nenit 236 të ligjit nr. 115/2016, për sa i përket integritetit, ky kandidat nuk gjendet në kushtet që mund të sjellin ndalimin e kandidimit.

64. Për verifikimin e kushteve dhe kriterëve të tjera ligjore të domosdoshme të kandidimit, në zbatim të nenit 237 të ligjit nr. 115/2016, ligjit nr. 8577/2000, si dhe, në zbatim të pikave 91-93 të Vendimit të Këshillit të Emërimeve në Drejtësi nr. 4, datë 11.03.2019 “Për procedurën e verifikimit të kandidatëve për pozicionet vakante në Gjykatën Kushtetuese dhe të Inspektorit të Lartë të Drejtësisë”, Këshilli shqyrtoi dokumentacionin e depozituar nga vetë kandidati Altin Binaj në momentin e kandidimit pranë organit të emërtesës që ka shpallur vendin vakant, shpjegimet e paraqitura nga kandidati mbi kërkesën e Këshillit si dhe, ‘Vendim’ Nr. 25, datë 16.09.2020, të Këshillit të Emërimeve në Drejtësi.

65. Sipas Vendimit nr. 25, datë 16.09.2020 të Këshillit të Emërimeve në Drejtësi, shpjegimeve dhe dokumentacionit të depozituar nga vetë kandidati, rezulton se z. Altin Binaj, me zotësi të plotë për të vepruar (*shkronja “a” e pikës 1, të nenit 7/a të ligjit nr. 8577/2000*), ka mbaruar arsimin e lartë juridik, Diplomë e Nivelit të Dytë (*shkronja “b” e pikës 1, të nenit 7/a të ligjit nr. 8577/2000*), nuk ka ushtruar funksione politike në administratën publike dhe nuk ka mbajtur pozicione drejtuese në parti politike gjatë 10 viteve të fundit nga data e kandidimit (*shkronja “c” e pikës 1, të nenit 7/a të ligjit nr. 8577/2000*), nuk ka procedim penal dhe nuk është dënuar me burgim për kryerjen e një vepre penale (*shkronja “ç” e pikës 1, të nenit 7/a të ligjit nr.*

8577/2000), nuk ka ushtruar funksione politike në administratën publike dhe nuk ka mbajtur pozicione drejtuese në parti politike gjatë 10 viteve të fundit nga data e kandidimit (*shkronja "c" e pikës 1, të nenit 7/a të ligjit nr. 8577/2000*), nuk ka procedim penal dhe nuk është dënuar me burgim për kryerjen e një vepre penale (*shkronja "ç" e pikës 1, të nenit 7/a të ligjit nr. 8577/2000*), nuk është larguar nga detyra për shkaqe disiplinore dhe nuk ka masë disiplinore në fuqi (*shkronja "d" e nenit 7/a të ligjit nr. 8577/2000*), ka kaluar me sukses procesin e kontrollit dhe verifikimit të pasurisë së tij personale dhe të familjarëve të tij, sipas ligjit, (*shkronja "dh" e nenit 7/a të ligjit nr. 8577/2000*), ka përvojë pune mbi 15 vjet si prokuror (*shkronja "a" e pikës 2, të nenit 7/a të ligjit nr. 8577/2000*).

66. Me terma më shpjegues, në lidhje me kushtin e kandidimit të parashikuar nga pika 4 e nenit 125 të Kushtetutës dhe shkronja "b" e pikës 1 të nenit 7/a të ligjit nr. 8577/2000, pra që kandidati të ketë mbaruar arsimin e lartë juridik, Diplomë e Nivelit të Dytë, nga dokumentacioni i shqyrtuar rezulton se kandidati Altin Binaj ka përfunduar studimet dhe është diplomuar në vitin 1988- 1992 si Jurist, në Fakultetin e Drejtësisë të Universitetit të Tiranës. Në zbatim të ligjit nr. 80/2015 "Për Arsimin e Lartë dhe Kërkimin Shkencor në Institucionet e Arsimit të Lartë në Republikën e Shqipërisë" ky lloj arsimimi kualifikohet si arsim i lartë juridik, Diplomë e Nivelit të Dytë. Për rrjedhojë, kandidati Altin Binaj nuk gjendet në kushtet e ndalimit të kandidimit sipas dispozitave të sipërcituara.

67. Për sa i përket kushtit të kandidimit të parashikuar nga pika 5 e nenit 125 të Kushtetutës dhe shkronja "c" e pikës 1 të nenit 7/a të ligjit nr. 8577/2000, pra që kandidati të mos ketë ushtruar funksione politike në administratën publike gjatë 10 viteve të fundit nga data e kandidimit, nga dokumentacioni i administruar, Këshilli konstaton se kandidati Altin Binaj nuk ka ushtruar funksione politike në administratën publike (gjatë 10 viteve të fundit të kandidimit). Për rrjedhojë, kandidati Altin Binaj nuk gjendet në kushtet e ndalimit të kandidimit sipas dispozitave të cituara në këtë paragraf.

68. Lidhur me kushtin e kandidimit të parashikuar nga pika 5 e nenit 125 të Kushtetutës dhe shkronja "c" e pikës 1 të nenit 7/a të ligjit nr. 8577/2000, pra që kandidati të mos ketë mbajtur pozicione drejtuese në parti politike gjatë 10 viteve të fundit nga data e kandidimit, nga shqyrtimi i dokumentacionit të shqyrtuar, Këshilli konstaton se kandidati Altin Binaj nuk ka mbajtur pozicione drejtuese në parti politike (gjatë 10 viteve të fundit nga data e kandidimit). Për rrjedhojë, kandidati Altin Binaj nuk gjendet në kushtet e ndalimit të kandidimit sipas dispozitave të cituara në këtë paragraf.

69. Në shkronjën "d" të pikës 1 të nenit 7/a të ligjit nr. 8577/2000, si kusht kandidimi përcaktohet që kandidati të mos jetë larguar nga detyra për shkaqe disiplinore dhe të mos ketë masë disiplinore në fuqi. Nga dokumentacioni i shqyrtuar, Këshilli konstaton se kandidati Altin Binaj nuk rezulton të jetë larguar nga detyra për shkaqe disiplinore. Po kështu, nuk rezulton që kandidati të ketë masa disiplinore në fuqi. Për rrjedhojë, kandidati Altin Binaj nuk gjendet në kushtet e ndalimit të kandidimit sipas kësaj dispozite.

70. Lidhur me kriterin e kandidimit të parashikuar nga pika 4 e nenit 125 të Kushtetutës dhe shkronja "a" e pikës 2 të nenit 7/a të ligjit nr. 8577/2000, pra që kandidati të ketë të paktën 15 vjet përvojë pune si gjyqtar, prokuror, avokat, profesor ose lektor i së drejtës, nëpunës i nivelit të lartë në administratën publike, nga dokumentacioni i shqyrtuar, rezulton se kandidati Altin Binaj ka ushtruar veprimtari profesionale si:

- a) Hetues, për periudhën “01.08.1992 – 24.12.1997”, në Prokurorinë e Rrethit Vlorë.
- b) Prokuror, për periudhën “24.12.1997-28.01.2008”, në Prokurorinë e Rrethit Gjiqësor Vlorë.
- c) Prokuror dhe drejtues, për periudhën “28.01.2008 – 20.03.2010”, në Prokurorinë e Rrethit Gjiqësor Fier.
- c) Prokuror dhe drejtues, për periudhën “25.03.2010 – 28.05.2013”, në Prokurorinë e Rrethit Gjiqësor Durrës.
- d) Prokuror, për periudhën “28.05.2013 – 28.07.2016”, në Prokurorinë e Përgjithshme Tiranë.
- e) Prokuror dhe drejtues, për periudhën “28.07.2016 e në vijim”, në Prokurorinë e Apelit Vlorë.

71. Për sa më sipër, Këshilli konstaton se kandidati Altin Binaj ka ushtruar së paku për 15 vjet veprimtari profesionale nga ato të parashikuara si kriter për lejimin e kandidimit nga pika 4 e nenit 125 të Kushtetutës dhe shkronja “a” e pikës 2 të nenit 7/a të ligjit nr. 8577/2000.

72. Nisur nga sa analizohet dhe arsyetohet më sipër, bazuar në gjetjet dhe të dhënat e konstatuara gjatë procedurës së verifikimit që rezultojnë nga aktet dhe dokumentacioni që përmban dosja e kandidimit, në interpretim dhe zbatim të ligjit të zbatueshëm për kushtet dhe kriteret e kandidimit për gjyqtar në Gjykatën Kushtetuese, Këshilli i Emërimeve në Drejtësi vjen në përfundimin se duhet të vendoset lejimi i kandidimit të kandidatit Altin Binaj, në vendin vakant për gjyqtar në Gjykatën Kushtetuese, të shpallur nga Presidenti i Republikës në datën 07.02.2018, rishpallur në datën 27.09.2019 dhe rishpallur në datën 24.09.2020.

#### **PËR KËTO ARSYE:**

Në mbështetje të pikës 1 të nenit 149/d dhe nenit 125 të Kushtetutës, të neneve 7/a dhe 7/b të ligjit nr. 8577, datë 10.02.2000 “Për organizimin dhe funksionimin e Gjykatës Kushtetuese të Republikës së Shqipërisë”, të pikës 3 të nenit 229, pikës 4 të nenit 235, pikës 5 të nenit 236 dhe pikës 3 të nenit 237 të ligjit nr. 115/2016 “Për organet e qeverisjes së sistemit të drejtësisë”, si edhe të shkronjës “a” të pikës 50 të Vendimit të Këshillit të Emërimeve në Drejtësi nr. 4, datë 11.03.2019 “Për procedurën e verifikimit të kandidatëve për pozicionet vakante në Gjykatën Kushtetuese dhe të Inspektorit të Lartë të Drejtësisë”, Këshilli i Emërimeve në Drejtësi,

#### **VENDOSI:**

1. Lejimin e kandidimit të kandidatit Altin Binaj, në vendin vakant për gjyqtar në Gjykatën Kushtetuese, të shpallur nga Presidenti i Republikës në datën 07.02.2018, rishpallur në datën 27.09.2019 dhe rishpallur në datën 24.09.2020.
2. Në zbatim të nenit 238 të ligjit nr. 115/2016, ky vendim i njoftohet kandidatit Altin Binaj.
3. Ky vendim publikohet në faqen zyrtare të Gjykatës së Lartë, në pjesën e përcaktuar për Këshillin e Emërimeve në Drejtësi.

**Zv/KRYETARE**  
**Vitore TUSHI**

